



Meeqanut, Inuussuttunut, Ilinniartitaanermut,
Kultureqarnermut, Timersornermut
Ilageeqarnermullu Naalakkersuisoq

ikin@nanoq.gl

Ulloq: 03-11-2023

J.nr.: [Sagsnr.]

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamit ataasinngornermi ulloq 03. november 2023, nal. 15.00-16.00
ataatsimiittarfik Erling Høeghimi siunersiorneqarnissamut aggeqqusissut**

UKA2023/118-ip ataatsimiititaliamit suliarineqarneranut atatillugu siunersiuinissamut
ataatsimiititaliap Meeqanut, Inuussuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisoq matumuuna aggersarpaa, siunnersuut ima oqaasertaqarpoq:

*"Arpattarfiit aammalu atletik atorlugu sungiusartarfiit allat nuna tamakkerlugu
sananeqarsinnaanerinik periarfissanik misissuinissamik Naalakkersuisut
peqquneqarnissaat pillugu Inatsisartunut aalajangiiffigisassatut siunnersuut".*

Siunersiuinermi makku oqaluuserineqarnissaat ataatsimiititaliamit kissaatigineqarpoq:

1. Siunnersuuteqartup 500.000 kr.-inik taggiinera pinnagu aningaasatigut sinaakkusiussassat 1 mio. kr.-it missaannut sooq Naalakkersuisunit amerlineqarsimanersut nassuaatigeqquillugu Naalakkersuisoq qinnuigineqarpoq.
2. Misissuinermut aningaasaliussassat sumit pissarsiarineqarnissaat nassuaatigeqquillugu Naalakkersuisoq qinnuigineqarpoq.

Siunersiuinerup ingerlanerani malitseqartitsissutit apeqquteqartarnissaq ataatsimiititaliamit naatsorsuutigineqarpoq.

Siunersiuinerup ataatsimiititaliap aammalu Meeqanut, Inuussuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisup akornanni pingaarnersiuilluni tulleriaarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu siunersiuinermut atatillugu pissarsisinneqarnissani ataatsimiititaliap kissaatigaa. Allakkiap siunersiuinissaq sioqqullugu uunga nassiunneqarnissaa qinnutigineqarpoq: nimha@ina.alla.gl. Allakkiaq ataatsimiititaliap siunersiuinermut nassarneqarpalut atorneqarpallu taassuma nuutinnera siunersiuinerup aallartinnerani ataatsimiititaliap oqaluttaanut tunniuteqquneqarpoq.

Inussiarnersumik inuulluaqqusillunga

Ataatsimiititaliap siulittaasua

Najaaraq Møller



2/2